

采蘭湘北沚，搴木澧南澗。淶水含瑤彩，微風託玉音。雲  
起蒼梧夕，日落洞庭陰。不知篁竹苦，惟見淚斑深。

時命篇

代馬不戀越，荆禽豈巢燕。鸛鵒渡汶水，君子憂未然。奈  
何客游子，率爾辭故山。行獸顧丘林，出雲有歸還。交友  
聲利塗，軒車日駢闐。誰念牛下人，悲歌夜中歎。豪門有  
棄襦，我衣恒不完。張儀懼諸侯，泄柳乃閉關。貧賤豈盡  
愚，時命當自安。

西來行

冬廿六日十二月西來泛湖雨，明滅雨寒著樹盡成雪。  
天波靄，竈路幽絕。鵠鶩禿鷺立如人，銜魚避船偷眼嗔。